

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRAČANICA

JAVNA USTANOVA DJEČIJE OBDANIŠTE
„NAŠA DJECA“ GRAČANICA

BROJ: 391/23

DATUM: 27.06.2023. godine

Na osnovu člana 66. Zakona o predškolskom odgoju i obrazovanju Tuzlanskog kantona („Službene novine Tuzlanskog kantona“, broj: 10/20 – prečišćeni tekst i 5/22), člana 31. Pravila Javne ustanove Dječije obdanište „Naša djeca“ Gračanica broj: 47/19; 484/19 i 216/23 i Odluke Upravnog odbora Javne ustanove Dječije obdanište „Naša djeca“ Gračanica o raspisivanju konkursa za izbor i imenovanje direktora Ustanove broj: 319/23 od 25.05.2023. godine, a uz saglasnost Osnivača Ustanove, Upravni odbor raspisuje

KONKURS

ZA IZBOR I IMENOVANJE DIREKTORA
JAVNE USTANOVE DJEČIJE OBDANIŠTE „NAŠA DJECA“ GRAČANICA

I. NAZIV POZICIJE I BROJ IZVRŠILACA

Direktor Javne ustanove Dječije obdanište „Naša djeca“ Gračanica – 1 (jedan) izvršilac

II. OPIS POZICIJE

Organizuje i rukovodi radom Ustanove; saraduje sa organima i tijelima gradske, općinske i kantonalne vlasti i najbližim okruženjem predškolske ustanove; predlaže godišnji plan i sačinjava prijedlog programa rada predškolske ustanove; zastupa i predstavlja predškolsku ustanovu i odgovara za zakonitost rada predškolske ustanove; brine se za provođenje odluka upravnog odbora, stručnog vijeća i drugih organa i tijela predškolske ustanove; rukovodi sjednicama stručnog vijeća; vrši prijem radnika u radni odnos; odlučuje o pravima, obavezama i odgovornosti radnika iz radnog odnosa u prvom stepenu; vrši ocjenjivanje radnika predškolske ustanove; podnosi upravnom odboru izvještaj o radu i finansijskom poslovanju predškolske ustanove; obavlja i druge poslove utvrđene zakonom, aktom o osnivanju i pravilima predškolske ustanove.

III. OPĆI USLOVI

Kandidati za poziciju direktora Ustanove moraju ispunjavati sljedeće opće uslove:

- Da je državljanin Bosne i Hercegovine
- Da je stariji od 18 godina
- Da je zdravstveno sposoban za obavljanje poslova za koje se prijavljuje
- Da mu u posljednje tri godine prije dana objavljivanja konkursa nije bio otkazan ugovor o radu zbog disciplinske odgovornosti ili da mu nije u istom periodu izrečena disciplinska mjera otkaza iz državne službe
- Da se na njega ne odnose odredbe člana IX stav 1 Ustava Bosne i Hercegovine
- Da se na njega ne odnose odredbe člana 57a. Zakona o predškolskom odgoju i obrazovanju TK („Službene novine Tuzlanskog kantona“, broj: 10/20 – prečišćeni tekst i 5/22)
- Da se protiv njega ne vodi krivični postupak
- Da mu nije izrečena mjera zabrane obavljanja poslova na poziciju za koju se prijavljuje

IV. POSEBNI USLOVI

Kandidati za poziciju direktora Ustanove moraju ispunjavati sljedeće posebne uslove:

- Visoka stručna sprema (VSS) ili završen prvi ciklus visokog obrazovanja po bolonjskom sistemu studiranja u najmanje četverogodišnjem trajanju koji se vrednuje sa 240 ECTS bodova iz oblasti predškolskog odgoja, pedagogije, specijalne pedagogije, psihologije ili društvenih nauka

- Najmanje pet godina iskustva u struci nakon sticanja odgovarajuće stručne spreme
- Isticanje organizacionima sposobnostima

V. POTREBNI DOKUMENTI

Kandidati za poziciju direktora Ustanove, dužni su, uz potpisanu prijavu na konkurs sa kraćom biografijom, adresom i kontakt telefonom, priložiti original ili ovjerene kopije sljedeće dokumentacije:

- Uvjerenje o državljanstvu (ne starije od 6 mjeseci od dana izdavanja od strane nadležnog organa)
- Izvod iz matične knjige rođenih
- CIPS
- Dokaz o posjedovanju tražene stručne spreme
- Potvrde ili uvjerenja kao dokaz o traženoj vrsti radnog iskustva
- Program rada i razvoja predškolske ustanove za period na koji se imenuje
- Ovjerene izjave od nadležnog organa da se na njega ne odnosi član IX 1. Ustava Bosne i Hercegovine; da nije član izvršnih organa političkih stranaka; da nema direktan finansijski ili drugi lični interes u predškolskoj ustanovi u kojoj se kandidira koji bi mogao dovesti do sukoba interesa sa njezinom dužnošću direktora; da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili da mu nije u istom periodu izrečena disciplinska mjera otpusta iz državne službe; da u mandatnom periodu ne stiče uslove za odlazak u penziju u skladu sa odredbama Zakona o radu (napomena: dostaviti jednu izjavu za sve navode)
- Uvjerenje nadležnih institucija: da nije pravosnažno osuđen za neko od krivičnih djela iz člana 57a stav (1) Zakona o predškolskom odgoju i obrazovanju TK („Službene novine Tuzlanskog kantona“, broj: 10/20 – prečišćeni tekst i 5/22) koje je kažnjivo iz oblasti privrednog prijestupa; da mu nije izrečena zaštitna mjera zabrane vršenja poslova direktora, odgajatelja ili stručnog saradnika predškolske ustanove; da se protiv njega ne vodi krivični postupak

VI. OSTALE NAPOMENE

Po isteku roka za podnošenje prijava, a najkasnije u roku od 30 dana od dana isteka roka za podnošenje prijava, Upravni odbor će razmatrati prijave kandidata koji su priložili potrebnu dokumentaciju i utvrditi koji kandidati ispunjavaju uslove predviđene konkursom.

O rezultatima konkursa, svi učesnici konkursa biće obaviješteni pisanim putem najkasnije u roku od osam dana od dana donošenja Odluke o imenovanju.

Nepotpune i neblagovremene prijave se neće uzimati u razmatranje.

Direktor Javne ustanove Dječije obdanište „Naša djeca“ Gračanica imenuje se na period od četiri godine.

Kandidat koji bude izabran i imenovan za direktora Javne ustanove Dječije obdanište „Naša djeca“ Gračanica dužan je u roku od deset dana od dana imenovanja dostaviti ljekarsko uvjerenje da je zdravstveno sposoban za obavljanje poslova radnog mjesta na koje je imenovan.

VII. ROK I MJESTO PODNOŠENJA PRIJAVA

Konkurs ostaje otvoren petnaest dana od dana objavljivanja u dnevnom listu i oglasnoj ploči Ustanove.

Prijave na konkurs u zatvorenoj koverti dostaviti lično ili putem preporučene pošiljke na adresu: Javna ustanova Dječije obdanište „Naša djeca“ Gračanica, ul. Mejdan Džedid sokak broj 8, 75320 Gračanica, sa naznakom „Prijava na javni konkurs za izbor i imenovanje direktora ustanove – ne otvarati“

PREDSEDNIK UPRAVNOG ODBORA

Dževad Salibašić

